

Фиқҳ дарслари (205-дарс) Намозхон таҳорати кетганини гумон қилса...



00:00 / 18.11.2022 4730

Намозхон таҳорати кетганини гумон қилса-ю, масжиддан чиқса ёки масжид ташқарисидаги сафдан ўтиб кетса, кейин таҳорати кетмагани аён бўлса ҳам, намози бузилиши аниқ. Аммо Агар (масжиддан) чиқмаган ёки ўтмаган бўлса, намозини давом эттиради.

Яъни, намозхон таҳорати кетди деб гумон қилса-ю, кейин таҳорати кетмагани аён бўлганда масжиддан чиқмаган ёки масжид ташқарисидаги сафдан ўтиб кетмаган бўлса, намозини келган жойидан давом эттиради. Агар имом ташаҳхуддан кейин намозга тўғри келмайдиган амални қилса, намози тамом бўлади.

Имом ташаҳхудни ўқиганидан ёки ўша миқдорча ўтирганидан кейин қаҳқаҳа ила кулиш, таҳоратни кетказиш каби намозга тўғри келмайдиган

амалларни қилса, намози тамом бўлади.

مَامُ إِلَا إِضَاقَ إِذِإِ: لَاقَ مَلَسُو هِي لَع هَل لَإِ صِرْ هَل لَإِ لُؤَسَرَّ نَأ: وَرَمَعَنَّ بَ هَل لَإِ دَبَّ عَنَّ ع
مَتَأَنَّ مُمُ هَفَلَّخَ نَأ كَنَّم وَهُتَالَ صُ تَمَّتْ دَقَفَ مَلَكَّتِي نَأ لَبَقَ تَدَحَّ أَفَدَعَقَ وَهَالَ صِلَا
دَوَادُ وَبَأْ هَأَوْرَ. «هَالَ صِلَا

Абдуллоҳ ибн Амр розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Қачон имом намозни тамомлаб, ўтирса, гапиришдан олдин таҳоратини кетказса, батаҳқиқ, унинг намози ҳам ва ортидан намозни батамом ўқиган кимсанинг намози ҳам тамом бўлади», дедилар».

Имом Абу Довуд ривоят қилган.

Лекин кейин келиб қўшилганники бузилади.

Абу Ҳанифа раҳматуллоҳи алайҳининг наздида ташаҳҳуддан кейин имомнинг таҳорати кетиши билан унинг ҳам, кейин келиб қўшилган одамнинг ҳам намози бузилади. Лекин «Мухтасари виқоя»нинг соҳибининг наздида ушбу ҳолатда имомнинг қиладиган амали қолмагани учун унинг намози тугал бўлади. Кейин келиб қўшилган одамнинг эса намози бузилади. Чунки намозга кейин келиб қўшилган одамнинг яна қилиши лозим бўлган амаллари бор, лекин у намозни давом эттириши мумкин эмас. Чунки унга нисбатан намоз бузилди. Бузилган нарсанинг устига бирор нарсани бино қилиб бўлмайди.

Ташаҳҳуддан кейин таяммумли киши сувни кўриб қолса ёки шунга ўхшаш нарсалар бўлса, Абу Ҳанифа «Намоздан чиқиш намозхоннинг амали ила бўлиши шарт», деганлари учун у кишининг наздида намоз бузилади. Бу жумладаги «шунга ўхшаш нарсалар» – масҳнинг муддати тугаши, икки махсининг ечилиши, яранинг тузалиши сабабли боғичнинг тушиб кетиши, уммий одам намозга етарли қироатни эслаб қолиши, яланғоч кишига кийим топилиши, имо билан ўқиётган кимсанинг рукуъ ва саждага қодир бўлиб қолиши каби ҳолатлардир. Икковларининг наздида бузилмайди.

Чунки имом Абу Юсуф ва имом Муҳаммад наздида намоздан чиқиш
намозхоннинг амали ила бўлиши шарт эмас.

«Кифоя» китобининг биринчи жузи асосида тайёрланди